

## SECCION AMENA

---

### **Kapeteriko kontuba**

---

Kapeteriyen ziran  
 iru lagun sartu,  
 baita pozik kapia  
 ta churrutak artu.  
 Ayen artian Jillek  
 nairikan pagatu  
 mutillari esan zion  
 «aizak: ez kobrau»  
 Bañan egunak juanik  
 Jill orrek etzuben  
 utzitako kontuba  
 beñere pagatzen.  
 Orrengatik mutilla  
 arkitzen zan larri

batian egiñikan  
 itz abek alkarrí:  
 —Kontub' arren kontuba  
 kontuban aldaka?  
 —¡A zer pillota, mutill,  
 orain dekan saka!  
 ¿Ez kobratzeako bada  
 ez nikán nik esan?  
 ¿Eta zertan ari aiz  
 oraiñ berriketan?  
 Eun urte gaitezen  
 izan gure jabe  
 pagatu gabe ni ta  
 i kobrau gabe.

MARCELINO SOROA.



### **¿ARDO ZALEA OTE ZAN GERO?**

---

Argiñ bat beiñ erori zan  
 Bostgarren bizitzatik  
 Urera, ta ala zion  
 Miñgabe intenta andik:  
 «Ardotara erortzeko  
 ¿Nondik jauzi bear nuen nik?»

MIGUEL ANTONIO IÑARRA.